

## Javni poziv za prijave za izgradnju kapaciteta i dodjelu grantova u oblasti rodnog i klimatskog finansiranja

Referentni broj poziva: 2841/06/24

**Projekat:** JAČANJE TRANSPARENTNOSTI I ODGOVORNOSTI ZA RODNU RAVNOPRAVNOST U REGIJI ZAPADNOG BALKANA I MOLDAVIJI (GENDER BUDGET WATCHDOG NETWORK, FAZA 2) finansiran od strane Austrijske razvojne agencije i Švedske agencije za međunarodni razvoj i saradnju

**Partnerske organizacije:** Centar za promociju civilnog društva, Centre for Research and Policy Making, Gender Alliance for Development Centre, Kosovo Women's Network, Ženska Akcija, Kuća rodnih znanja i politika (Gender Knowledge Hub), Keystone Moldova

Gender Budget Watchdog Network/Mreža za nadzor rodno odgovornog budžetiranja (GBWN) objavljuje Javni poziv za prijave za izgradnju kapaciteta i dodjelu grantova u oblasti rodnog i klimatskog finansiranja. Poziv se odnosi na organizacije iz **Albanije, Bosne i Hercegovine, Crne Gore, Kosova, Moldavije, Sjeverne Makedonije i Srbije.**

### Pozadina projekta:

Vlasti još nisu u potpunosti provele obaveze prema rodno odgovornom budžetiranju (ROB) niti institucionalizovale ROB kroz budžetski proces. Pored toga, rodna analiza i rodno transformativni pristup klimatskim promjenama u regiji Zapadnog Balkana i Moldaviji su ograničeni. Iako se angažovanje civilnog društva na polju rodne ravnopravnosti i klimatskih promjena povećalo, postojalo je samo nekoliko inicijativa koje se bave rodnom ravnopravnošću i klimatskim promjenama. Organizacije civilnog društva i donosioci politika i dalje nemaju potrebno znanje, metodologije i vještine u oblasti ROB-a, posebno u vezi sa finansiranjem odgovora na klimatske promjene i otpornost.

**Opći cilj** našeg zajedničkog projekta je poboljšanje javnih obaveza za rodno odgovorno klimatsko djelovanje i povećanje dostupnih finansijskih sredstava za provođenje rodno odgovornog klimatskog djelovanja u regiji Zapadnog Balkana i Republici Moldaviji.

### Očekivani ishodi projekta uključuju:

- Jačanje vidljivosti i međunarodnog priznanja rada GBWN;
- Povećanje kapaciteta organizacija civilnog društva (OCD) za korištenje alata za rodno odgovorno budžetiranje u nadzoru klimatskih politika i finansiranja;
- Poboljšanje učešća OCD-a u procesima kreiranja politika i budžetiranja korištenjem alata za nadzor rodno odgovornog budžetiranja;
- Poboljšanje dostupnosti alata za povećanje odgovornosti vlasti, posebno u odgovoru na otpornost, finansiranju klimatskih promjena i rodnoj odgovornosti klimatskog političkog okvira.

## POZIV ZA PRIJAVE

Kao zagovornici socijalne pravde i jednakosti, od suštinskog je značaja da organizacije civilnog društva (OCD) imaju duboko razumijevanje rodno odgovornog budžetiranja i načina na koji vlade treba da ga primjenjuju kako bi stvorile pravednija društva. Stoga, ovim pozivom pozivamo organizacije civilnog društva iz regije Zapadnog Balkana i Moldavije da podnesu koncept projekta za sljedeće vrste grantova:

**Nacionalni grantovi** - Dva (2) granta će biti dodijeljena po zemlji, sa maksimalnim iznosom od 8.000 eura po grantu. Projekti moraju biti završeni u periodu do osamnaest mjeseci od datuma potpisivanja ugovora.

**Regionalni grantovi** - Dva granta će biti dodijeljena sa maksimalnim iznosom od 25.000 eura po grantu. Projekti moraju biti završeni u periodu do dvadeset četiri mjeseca.

Ukupno će biti dodijeljeno 16 grantova (2 po zemlji i 2 regionalna) u okviru ovog Javnog poziva.

Koncept projekta treba da se odnosi na rodno odgovorno budžetiranje i finansiranje klimatskih promjena, uključujući rodnu analizu za informisanje o rashodima, praćenje rashoda korištenjem rodne analize uticaja ili korištenjem drugih alata za rodno odgovorno budžetiranje. Potencijalna pitanja na koja se projekti mogu fokusirati, ali nisu nužno ograničeni na, jesu:

- Rodna ravnopravnost u okviru Globalnog fonda za zaštitu životne sredine (GEF), Zelenog klimatskog fonda (GCF), Fonda za najmanje razvijene zemlje (LDCF) i Specijalnog fonda za klimatske promene (SCCF);
- Rodna ravnopravnost u projektima zelenih investicija WBIF-a, EIB-a i EBRD-a;
- Rodna ravnopravnost u javnim budžetima za projekte otpornosti na klimatske promjene;
- Rodna ravnopravnost u lokalnim budžetima za projekte podržane u okviru klimatskih promjena.

Nakon selekcije, predstavnici/ce svake od odabranih organizacija morat će se obavezati na prisustvo modulima obuke o rodno odgovornom budžetiranju i rodnom i klimatskom finansiranju, gdje će unaprijediti svoje znanje o različitim alatima za rodno odgovorno budžetiranje (ROB). Ovo znanje bi potom trebalo da se iskoristi za razvijanje cjelokupnog prijedloga projekta uz prilagođenu pomoć (mentorsko vođenje) od strane stručnjaka/kinja i mentora/ica za rodno budžetiranje i klimatsko finansiranje iz GBWN. Moduli obuke dostupni su online na GBWN e-akademiji (Osnovni trening ROB i Napredni trening ROB), dizajnirani posebno za OCD-ove. Obuka uživo na temu "Praćenje rodno i klimatskog finansiranja" bit će organizovana u Albaniji od 25. do 27. septembra 2024. godine. Prijavljene organizacije morat će imenovati jednog/u predstavnika/icu koji/a će prisustvovati na i završiti ove obuke, navodeći učesnika/icu obuke u Albaniji tokom procesa prijave. Nakon pohađanja ovih obuka, organizacije će biti pozvane da podnesu kompletne projektne prijedloge.

## USLOVI ZA APLIKANTE

Pravno registrovane organizacije civilnog društva (OCD) iz svih 7 zemalja: Albanije, Bosne i Hercegovine, Crne Gore, Kosova, Moldavije, Sjeverne Makedonije i Srbije mogu se prijaviti. Ovo uključuje, poželjno, ali ne nužno:

- Organizacije za prava žena - organizacije koje se bave unapređenjem prava žena, kao i one koje imaju intersekcionalni pristup u radu sa različitim ženama, kao što su žene iz ruralnih sredina, žene sa invaliditetom, siromašne žene i osobe različitih seksualnih orijentacija i rodni identiteta;
- Think tank organizacije - posebno one koje rade na relevantnim reformama za pristupanje EU u oblastima obrazovanja, starenja, mladih, javne administracije i reformi javnih finansija, između ostalog;
- OCD koje se bave javnim finansijama, praćenjem budžeta i praćenjem javnih nabavki;
- Organizacije za zaštitu životne sredine - koje se bave ekološkom agendom;
- Organizacije muškaraca - organizacije aktivne u rodnoj ravnopravnosti i pitanjima sa kojima se suočavaju muškarci;
- Organizacije koje rade na sprovođenju Rezolucije UN 1325 i agende žena, mira i sigurnosti.

Da bi bili prihvatljivi za dobijanje granta, glavni aplikant i partnerske organizacije moraju:

- završiti online module obuke i obavezati se da će učestvovati u trećoj obuci u Albaniji sa fizičkim prisustvom (sve troškove putovanja i obuke pokrивaju organizatori),
- biti pravno lice,
- biti neprofitne organizacije,
- biti registrovani/osnovani najmanje dvije godine prije objavljivanja ovog Poziva, i
- biti direktno odgovorni za pripremu i upravljanje projektom sa svojim partnerima, a ne djelovati kao posrednici.

Moraju biti spremni da prođu participativnu procjenu organizacijskih i zagovaračkih kapaciteta (OACA) ukoliko budu izabrani kao dobitnici granta, da razviju plan za razvoj kapaciteta na osnovu nalaza procjene i vezanih za predloženi projekat, i da rade na implementaciji istog kao dio projekta.

Za regionalne grantove, konzorcijum mora uključivati najmanje tri OCD iz tri različite zemlje, pri čemu svaka od tih organizacija mora zadovoljiti gore navedene kriterijume prihvatljivosti.

## Broj prijava i grantova po aplikantima

Glavni aplikant ne može podnijeti više od jedne prijave u okviru nacionalnog poziva za prijave.

Međutim, glavni aplikant za nacionalni grant u isto vrijeme može biti partner u jednoj drugoj prijavi u okviru regionalnog poziva.

Glavnom aplikantu može biti dodijeljeno više od jednog granta u okviru ovog Javnog poziva (jednom u okviru nacionalnih grantova i drugi put kao partnerske organizacije u okviru regionalnih grantova).

## SPISAK POTREBNIH DOKUMENATA ZA PODNOŠENJE KONCEPTNE NOTE PROJEKTA

Sljedeći dokumenti moraju biti dostavljeni u fazi podnošenja konceptne note projekta:

- Ispunjen obrazac za prijavu i koncept projekta (Prilog 1);
- Statut OCD-a i svakog partnerskog OCD-a (za regionalne grantove);
- Finansijski izvještaj za posljednje dve godine;
- Dokaz o registraciji.

## VREMENSKI OKVIR

Prijava za koncept projekta	Rok za dostavljanje
Objava Javnog poziva	20. jun/lipanj
INFORMATIVNA SESIJA (za svaku državu će biti najavljena posebno)  - Albanija - Bosna and Hercegovina - Crna Gora - Kosovo - Moldavija - Sjeverna Makedonija - Srbija	20. juni/lipanj – 1. juli/srpanj
Rok za podnošenje aplikacije	1. august/kolovoz
Završetak online obuka na GBWN e-akademiji	1. august/kolovoz – 8. septembar/rujan
Objava odabira učesnika/ica za obuku uživo	10. septembar/rujan
Obuka za organizacije civilnog društva o rodnom i klimatskom finansiranju u Albaniji	25. – 27. septembar/rujan
Rok za podnošenje kompletnih projektnih prijedloga i budžeta (šabloni će biti dostavljeni nakon odabira koncepta projekta)	18. oktobar/listopad
Objava dobitnika grantova	25. oktobar/listopad
Potpisivanje ugovora sa konačnim korisnicima i očekivani datum početka projekta	1. novembar/studeni

## KRITERIJI ZA EVALUACIJU KONCEPTA PROJEKTA

Kao dio administrativne evaluacije, Konzorcijum zadržava pravo da verifikuje informacije i dokumente podnijete od strane aplikanta kod ovlaštenih pružalaca takvih usluga i/ili državnih institucija. Koncept projekta će biti evaluiran prema kriterijima navedenim ispod. Koncept projekta će dobiti ukupnu ocjenu do maksimalnih 30 bodova koristeći raspodjelu u evaluacionoj tabeli ispod. Kriteriji evaluacije podijeljeni su na naslove i podnaslove. Svaki podnaslov će dobiti ocjenu između 1 i 5 na sljedeći način: 1 = veoma loše; 2 = loše; 3 = adekvatno; 4 = dobro; 5 = veoma dobro.

KRITERIJ	Ocjena	
<b>1. Relevantnost projekta</b>	Pod-ocjena	10
1.1 Koliko je koncept relevantan za cilj Javnog poziva? Koliko je koncept relevantan za specifične teme navedene u pozivu?	5	
1.2 Koliko je projekat relevantan za jasno identifikovane potrebe krajnjih korisnika i ciljnih grupa, da li su one strateški odabrane i jasno definisane?	5	
<b>2. Dizajn projekta</b>	Pod-ocjena	20
2.1 Koliko je cjelokupan dizajn projekta koherentan? Da li koncept ukazuje na očekivane rezultate koje projekat treba da postigne?	5x2	
2.2 Iskustvo i kapaciteti OCD-a, uključujući finansijske kapacitete	5	
2.3 U kojoj mjeri su različite grupe uključene kao ciljne grupe i/ili korisnici, koristeći interseksionalni pristup (npr. osobe različite starosne dobi, polova, etničkih pripadnosti, sposobnosti, religija, identiteta, ruralnih/urbanih lokacija i marginalizovane grupe)?	5	
<b>UKUPNO</b>		30

## PODNOŠENJE I ROK

Popunjen obrazac za prijavu, koncept projekta i dokumenta treba poslati direktno grant menadžerici GBWN – Liljani Tanevskoj Arsovoj na e-mail adresu [tanevska@crpm.org.mk](mailto:tanevska@crpm.org.mk) najkasnije do 1. augusta/kolovoza 2024. godine do kraja radnog dana.